

Panui Nama 461, hei riiwhi mo Nama 449.

Panui ki te Katoa i raro i nga tikanga o "Te Ture Kararehe, 1893," mo te "Ngarara Ngau Ate Hipi." — Panui Nama 449.

Te Tari Whakahaere Tikanga mo nga Kararehe,
Poneke, 7 Hepetema, 1896.

TE mea kua whakaaturia mai ki ahau kua pangia etahi o nga hipi o haere nei i etahi whenua i roto i te Takiwa Whenua o Haaki Pei, i te mate "ngarara ngau ate hipi," na i runga i nga tikanga o wahanga (4) o tekiona 14 o "Te Ture Kararehe, 1893," tenei au, te ki nei kua pa te mate para ki aua whenua, a me kua e haria atu he hipi, te tinana ranei o tetahi hipi kua patua, tetahi wahi ranei o te hipi i patua i reira, ki te kore o whakaaetia e tetahi Kai-tiroiro Kararehe: —

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko Te Hauke, o 9,000 nga eka i roto, ara he wahi o nga Poraka XII. me XVI., i roto i te Takiwa Ruuri o Maraekakahu, me nga Poraka IX. me XIII., i roto i te Takiwa Ruuri o Te Mata, i roto i te Kaute o Haaki Pei. Ko te rohe he raina timata i te pito marangai-ma-raki o Poraka 13, i roto i te Poraka XVI., i te Takiwa Ruuri o Maraekakahu, ahu atu i reira ma tetahi raina ahu marangai-ma-raki tae atu ki te teihana he mea tohu ki te N, ahu whaka-te-raki atu i reira ma tetahi raina tika tonu atu ki te pito hauauru-ma-tonga o te Waikareao Poraka; ahu atu i reira whaka-te-marangai-ma-raki ma nga rohe whakate-hauauru-ma-raki o Raukawa Nama 3 me Nama 2, te Pukehou Nama 1, te Whenua Rahui Maori i Poukawa, me te Koparokore A, tae atu ki te pito hauauru-ma-raki o te Koparokore A Poraka, ka ahu whaka-te-marangai-ma-tonga atu i reira ra te rohe whaka-te-marangai-ma-raki o A me B tae atu ki te wahi e whiti atu ai taua raina i te raina o te reriwe; ahu whaka-te-hauauru-ma-tonga atu i reira ma tetahi raina tika tonu atu ki te teihana reriwe i Te Aute; ka ahu whaka-te-hauauru-ma-tonga ma te raina o te reriwe tae atu ki tona whitinga atu i te rohe o te Kaute o Haaki Pei, ka ahu whaka-te-hauauru-ma-raki atu i reira ma taua rohe ra tae atu ki te wahi timatanga.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Ram Paddock," e 80 pea nga eka i roto, koia nei tetahi wahi o Whenuahou C Nama 1 me Nama 2 ki te Nota i roto i Poraka III., i roto i te Takiwa Ruuri o Tahoraite, i roto i te Kaute o Waipawa. Ko te rohe ki te hauauru-ma-raki ko te awa o Porangahau; ki te raki me te taha ki te marangai ko nga Poraka 120 me 69; ki te tonga ko etahi atu wahi o aua Whenuahou C Nama 1 me Nama 2 ki te Nota ra.

Tera pihi whenua katoa i roto i te Takiwa Whenua o Haaki Pei, e mohiotia nei te ingoa ko te "Takapau Paddock," 190 pea nga eka i roto, ara ko tetahi wahi o Wawahanga Nama 3, o te Otawhao Poraka, i roto i Poraka III., i roto i te Takiwa Ruuri o te Takapau, i roto i te Kaute o Waipawa. Ko te rohe ki te raki ko nga Poraka 234 me 120; ki te tonga ko te awa o Porangahau me tetahi huanui; ki te taha hauauru ko te raina o te reriwe.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Rees Davis Paddock," 110 pea nga eka i roto, ara ko Tekiona 7 o Whenuahou D.E. Nama 1 Poraka i roto i VI. me VII., i roto i te Takiwa Ruuri o te Takapau, i roto i te Kaute o Waipawa. Ko te rohe ki te marangai-ma-tonga he huanui; ki te hauauru-ma-tonga, he huanui; ki te hauauru-ma-raki ko Tekiona 6; ki te marangai-ma-raki ko Tekiona 8.

Tera pihi whenua katoa i roto i te Takiwa Whenua o Haaki Pei, e mohiotia ana te ingoa ko te "Sebastopol 3 Paddock," e 530 pea nga eka i roto, i roto i Poraka III., kei roto i te Takiwa Ruuri o Waipukurau, i roto i te Kaute o Waipawa, koia nei tetahi wahi o te whenua i karaatitia ki te Pihopa o Poneke, kei te pito hauauru-ma-tonga o taua whenua ra e takoto ana.

JOHN D. RITCHIE,
Tino Kai-tiroiro Kararehe.

Tari o te Tumuaki Kai-whakawa,
Poneke, Nowema 7, 1896.

HE kupu whakaatu tenei ki nga tangata katoa e whai kereme ana i raro i te tikanga o te wira o tetahi tangata kua mate, kia mohio ai ratou me kua ratou e whakaroa ki te tuku atu i taua wira ki te aroaro o te Kooti Whenua Maori. Te take, kua whakaritea e te Paremete etahi wa hei tukunga mai i nga tono whakamana wira, me te ki hoki ki te kore e tae atu te tono i roto i te wa i whakaritea ka kore atu te whai-taketanga o te tangata i raro i te wira. Ko nei hoki nga tikanga o te Ture. Mehemea i mate te tangata nana te wira i muri mai i te 31 o nga ra o

Oketopa, 1895, me tae atu te tono i roto i nga tau e rua i muri mai i te matenga o te tangata nana te wira. Mehemea i mate te tangata nana te wira i mua mai i te 31 o nga ra o Oketopa, 1895, me tae atu te tono i mua mai i te 17 o nga ra o Oketopa, 1897. Engari ia, i nga meatanga katoa, he tikanga tupato te waiho kia roa atu i te toru marama i muri mai i te matenga o te tangata nana te wira ka tuku atu ai i te tono, tatemea hoki tera pea e whakaturia e te Kooti he riiwhi mona, a ki te hokona e taua kai riiwhi te whenua ka whai-mana taua hoko. Kei te 81 o nga tekiona o "Te Ture Whakatikatika 1895 i nga Ture Whenua Maori," me te 31 o nga tekiona o "Te Ture Whakatikatika 1896 i nga Ture Whenua Maori," nga tikanga o te Ture e pa ana ki tenei mea.

NA H. P. REWI,
Tumuaki Kai-whakawa.

Tari Kooti Whenua Maori,
Poneke, 8 Tihema, 1896.

HE panuitanga tenei kia mohio ai nga tangata katoa e whakaaro ana kia tuku pukapuka mai ratou ki te Kooti Whenua Maori, arai i nga tono kia whakaputaina e te Kooti he Pukapuka Whakamananga Wira, he Pukapuka Whakamana Kai-whakahaere Wira ranei, ara, arai i aua tu pukapuka kia kaua o puta, kia mohio ratou kua kore taua tikanga tuku pukapuka pera mai inaianei, e kore hoki aua pukapuka arai pera o tirohia o te Kooti inaianei. Ko te tikanga tuturu inaianei me haere tonu te tangata nga tangata ranei e whakabe ana ki nga tono kia puta he Pukapuka Whakamananga Wira, he Pukapuka Whakamana Kai-whakahaere Wira ranei, ki te aroaro o te Kooti, a te wa e tu ai te Kooti, ki reira whakaatu ai i ana i a ratou kupu whakahaere ranei mo aua tono, me whakamana ranei e ia e ratou ranei tetahi tangata hei whakaatu hei whakahaere hoki i ana i a ratou kupu whakahaere. Ki te kore hoki e peratia he tikanga e kore e tirohia e te Kooti nga pukapuka arai, whakahaere hoki, e tukua mai ki te Kooti mo runga i nga wira.

NA TE PAKARA,
Kai-Rehita.

PANUITANGA.

HE whakaatu tenei kia mohiotia ai ka taea nga Pukapuka kua whakahuatia i raro iho nei te tono atu i a Kai-ta a te Kawanatanga i Poneke, ina tae mai te utu e tika ana, e pai ana te tuku Pane Kuni mai, noti o te Poutapeta, Ota Moui ranei.

Me ata whakaatu mai hoki te poutapeta e tata ana ki te kainga ina ka tuhia mai te pukapuka ki te Tari o te Kai-ta a te Kawanatanga:—

Te Pukapuka o nga Ture e pa ana ki te iwi Maori, o te tau 1886. Ko te utu 1s.

Te Pukapuka o nga Ture e pa ana ki te iwi Maori, o te tau 1888. Ko te utu 1s.

Te Pukapuka o nga Ture e pa ana ki te iwi Maori, o nga tau 1890-91. Ko te utu 1s.

Te Pukapuka o nga Ture e pa ana ki te iwi Maori, o te tau 1892. Ko te utu 1s.

Te Pukapuka o nga Ture e pa ana ki te iwi Maori, o te tau 1893. Ko te utu 2s.

Te Pukapuka o nga Ture e pa ana ki te iwi Maori, o te tau 1894. Ko te utu 2s.

Te Pukapuka o nga Ture e pa ana ki te iwi Maori, o te tau 1895. Ko te utu 2s.

Te *Kahiti* Rarangi Ingoa o nga tangata i wehea nei he rahui mo ratou i roto i te Poraka o Waimarino. Ko te utu 1s.

Nga korero Paremete 1881 tae mai ki inaianei 6d., mo te Pukapuka kotahi.

Te Ora mo te Maori; Na Hemi Henare Popi. Ko te utu 1s

Te Pukapuka Rarangi Ingoa o nga tangata o ia Wawahanga o ia Wawahanga o te Awarua Poraka, whakaatu hoki i nga hea o ia tangata o ia tangata. Ko te utu 10s.

Nga Tatai Korero Whakapapa a te Maori, me nga Karakia o Nehe. Na Hono Waiti i mahi. Pukapuka Tua-ono. Ko te utu 7s. 6d.

Te Tiriti o Waitangi. He tino tauira tenei. Ko te utu 5s.

Nga Huarahi Whakahaere o te Kooti Whenua Maori, he mea ta ki te reo Maori. Ko te utu 1s.

Huarahi Whakahaere Apti atu ki nga Huarahi Whakahaere o te Kooti Whenua Maori. Ko te utu 6d.

Nga Tikanga Whakahaere i raro i Wahi II. o Wahanga II. o "Te Ture Kooti Whenua Maori, 1894," he mea ta ki te reo Maori. Ko te utu 6d.

Nga Huarahi Whakahaere i raro i nga tikanga o "Te Ture Taone Maori, 1895." Ko te utu 6d.